

УЛС ТӨР

Г.ЧУЛУУНБААТАР ТАМГАА
ХҮЛЭЭН АВЛАА

II нүүрт

ДЭЛХИЙ

ТЕРЕЗА МЭЙ “САХИЛ ХҮРТЭХ ГЭЭД
ШАЛ ДОРДОВ”

VII нүүрт

Улаанбаатар: ӨНӨӨДӨР



Дугаарын **60** мөр

Хот
үмхийрлээ

Г.ГАНЧИМЭГ

“Аз жаргалтай” тодотголтой Улаанбаатарын иргэд үнэндээ улсынхаа нийслэлд амьдраад байна уу, нийтийн жорлонд бүтэж үхэх гээд байна уу гэлтэй л аж төрж байна. Ялангуяа, 22-ын товчоо, Буянт-Ухаа, Нисэх, Яармагийн ойролцоо байнга, салхи баруунаас байх юм бол хотын төв рүү ч хааяа хааяа цэвэрлэх байгууламжийн үмхий үнэртдэг боллоо. Тэртээ 1964 онд 500 мянган хүн амтай хотод зориулж барьсан Төв цэвэрлэх байгууламж хүнээр бол хоноогоо хүлээж байгаагаас ялгаагүй. Эцсийн бүхий л нөөц хүчээ дайчилж, бүр давуулан ажиллаж байгаа гэдэг. Уг нь энэ асуудлыг нийслэлийн нэг агентлаг хариуцаад зохицуулчих ёстой гэж дарга сайд нар үздэг ч үнэндээ хүчрэхгүй байсаар өдийг хүрчээ. Бүр УИХ-ын Байгаль орчин, хүнс, хөдөө аж ахуйн байнгын хороо өнгөрсөн хавар газар дээр нь очиж нөхцөл байдалтай танилцсан.

Үргэлжлэл нь III нүүрт

ТЭДЮУ АМЛАВ

Б.ӨНӨРТӨГТОХ

Ердөө 14 хоногийн дараа Монголчууд бид тавдахь Ерөнхийлөгчөө “өлгийдөн” авах гэж байна. Парламентад суудал бүхий гурван намын нэр дэвшигчид албан ёсны сурталчилгаагаа өнгөрөгч даваа гарагт эхлүүлснээс хойш, хэдийнэ долоо хоног өнгөрчээ. Энэ хугацаанд аймаг, орон нутаг, сум дүүргээр орж мөрийн хөтөлбөрөө нэгбүрчлэн танилцуулахаас гадна, гишүүд дэмжигчдийнхээ урмыг үг, зарим тохиолдолд зэмлэлийг сонсч яваа. Нэр дэвшигчдийн хэлж буй үг, хийж буй үйлдэл бүрийг олон түмэн шинжиж, барианд хэн түрүүлж орох бол хэмээн өвөр зураа таамаг өрнүүлж суугаа нь дамжингүй. Монгол Улсын Ерөнхийлөгчийг бодлого тодорхойлогч гэхээс илүүтэй эв нэгдлийн бэлэг тэмдэг, бүх ард түмний сонголт хэмээн хардаг, дүгнэдэг хүмүүс бишгүй олон бий. Гэвч, хууль боловсруулах, бодлого

шийдвэр гаргах, шаардлагатай тохиолдолд УИХ, Засгийн газрын үйл ажиллагаанд хяналт тавьж, хариуцаагын асуудлыг хөнддөг гэдэг утгаараа Ерөнхийлөгчийн бүрэн эрх чамлахааргүй. Тэр ч утгаараа төрийн тэргүүн аль намын байхаас илүүтэй ард түмнийхээ амьдралд өөрчлөлт авчрах ямар хууль тогтоомж боловсруулах, ямар зоригтой шийдэл гаргах бол гэдэг нь юу юунаас илүү анхаарал татах сэдэв байдаг билээ. Тэгвэл “ММ” энэ удаад гурван нэр дэвшигчийн мөрийн хөтөлбөрөөс улс орны амин чухал асуудал болсон цөөхөн хэдхэн сэдвийг онцолж, хооронд нь харьцуулахыг зориллоо. Тэдэн төгрөг өгнө гэсэн бэлэн мөнгөний амлалт байхгүй учраас нэр дэвшигчид Засгийн газар болон УИХ-ын бодлого шийдвэртэй уялдаж хийх, цаашлаад өөрөө бие даан хууль санаачлах боломжтой гэсэн асуудлаа мөрийн хөтөлбөртэй онцолжээ.

Үргэлжлэл нь III нүүрт

ТОМИЛОЛТ

ШХАБ-ын шинэ түүх Астанагаас эхэллээ



Дэлгэрэнгүйг IV нүүрнээс

ОНЦЛОХ МЭДЭЭ

Гадаадад байгаа иргэдийн санал хураалт дууслаа

Монгол Улсын Үндсэн хуульд заасанчлан Монгол Улсын иргэн бүр сонгох, сонгогдох эрхтэй. Үүнтэй холбогдуулан гадаадад ажиллаж, амьдарч буй монгол иргэдийг сонгуульд саналаа өгөх боломжоор хангадаг билээ. Тэгвэл гадаадад ажиллаж, амьдарч байгаа Монголчууд энэ сарын 10, 11-нд саналаа өглөө. Сонгуулийн төв байгууллагын мэдээлснээр Монгол Улсын Ерөнхийлөгчийн сонгуульд нийт 7374 иргэн саналаа өгөхөөр бүртгүүлжээ. Гадаадад байгаа сонгуулийн эрх бүхий иргэдээс санал авах ажиллагааг зохион байгуулахаар Австрали, Англи, АНУ, ХБНГУ, Казахстан, ОХУ, БНСУ, БНХАУ зэрэг 32 улсад нийт 45 салбар комисс байгуулагдсан аж.

ЧУУЛГАНЫ ТАНХИМААС

Монгол Улсын өрийн хэмжээ НЭГ ТЭРБУМ ам.доллараар нэмэгдлээ

Н.БАТЗАЯА

Энэ сард манай улсад сонгуулийн салхи сээлзэж, жаахан хэтрүүлчихэд дээд, доодгүй л өглөө ажилдаа хэдэн цагт ирэхээ мэдэхгүй болтлоо бужигнаж буй. Сонгуулийн салхи ч УИХ-ын парламентын чуулганыг орхисонгүй. Өнгөрсөн пүрэв, баасан гарагт эрхэм гишүүд маань эрчимтэйхэн ажиллаж, хэд хэдэн чухал хуулийг хам хум баталж аваад өөр өөрсдийн тойрог руу хүлгийн жолоо залав. Учир нь өөрсдийн намаас сонгуульд

сойсон нэр дэвшигчээ эрвийх дэргийхээрээ дэмжихээр явж байгаа нь энэ. Ингээд өнгөрсөн баасан гарагийн УИХ-ын чуулганы хуралдаанаар хэлэлцэж, баталсан чухал асуудлыг тоймлон хүргэе.

Г.Чулуунбаатарыг сайдаар томилж, боловсролын салбар эзэнтэй болов

Сүүлийн хэдэн өдөр

Боловсролын салбарт томоохон үйл явдал өрнөсөн нь тус салбарын сайдыг сольсон явдал байлаа. Тодруулбал, ажиллах хугацаандаа эрхлэх асуудлын хүрээний салбарыг нэгдсэн удирдлагаар хангах, төрийн бодлого боловсруулах, хууль тогтоомжийг хэрэгжүүлэх үүргээ хангалтгүй биелүүлж, албан үүрэгтээ хариуцлагагүй хандсан гэх үндэслэлээр БСШУС-ын сайд Ж.Батсуурийг огцруулж, Ерөнхий сайд Ж.Эрдэнбат академич Г.Чулуунбаатарыг томилж тухай УИХ-д өргөн барьсан юм.

Үргэлжлэл нь II нүүрт

ЕРӨНХИЙЛӨГЧИЙН СОНГУУЛЬ-2017

ЭДИЙН ЗАСГИЙН ТУСГААР ТОГТНОЛЫН ТӨЛӨӨ ЭХ ОРОНЧ Х.БАТТУЛГА ЯЛНА ГЭВ

Н.ПУНЦАГБОЛД

Монгол орон даяар Монгол Улсын Ерөнхийлөгчийн сонгуульд нэр дэвшигчдийн сурталчилгаа хуулийн дагуу үргэлжилж буй. Тэгвэл Монгол Улсын Ерөнхийлөгчийн сонгуульд нэр дэвшигч Х.Баттулга өнгөрсөн амралтын өдрүүдэд Дундговь, Төв аймаг болон нийслэлийн Налайх, Багануур, Баянгол дүүргийн иргэд, сонгогчидтойгоо уулзлаа. Тухайлбал, нэр дэвшигч Х.Баттулга өнгөрсөн ням гарагт Баянгол дүүрэгт Улаанбаатар хот дахь сонгуулийн сурталчилгааны нээлтээ амжилттай хийлээ.

Үргэлжлэл нь V нүүрт



Гэрэл зургийг Г.АРИУУЖИН

19 ДЭХ ЖИЛДЭЭ

МОНГОЛЫН МЭДЭЭ

Манай сонины
III улирлын
захиалга
үргэлжилж
байна

Улиралд **44** дугаар

Захиалгын үнэ 19800

Монгол шуудан: 70078977
УБ шуудан: 70127027
Скай post: 70121294
Түгээмэл шуудан: 70115025

ХААН банк					Хугалгаа хөгжлийн банк						
	Авах	Зарах		Авах	Зарах	Авах	Зарах		Авах	Зарах	
АМ.ДОЛЛАР	2368.00	2389.00	ФУНТ	2973.00	3073.00	АМ.ДОЛЛАР	2368.00	2389.00	ФУНТ	2964.00	3089.00
ЕВРО	2627.00	2701.00	РУБЛЬ	40.80	42.60	ЕВРО	2602.00	2713.00	РУБЛЬ	39.50	44.87
ИЕН	21.35	21.80	ЮАНЬ	348.00	352.00	ИЕН	21.05	22.04	ЮАНЬ	348.00	352.40

Өчигдрийн 19.00 цагийн байдлаар

УЛС ТӨР

МЭДЭЭЛЭЛ

ЧУУЛГАНЫ ТАНХИМААС

Гадаад харилцааны сайд Ц.Мөнх-Оргил АНУ-д айлчилна

Гадаад харилцааны сайд Ц.Мөнх-Оргил энэ сарын 12-14-нд АНУ-д албан ёсны айлчлал хийхээр болжээ. Айлчлалаар АНУ-тай өндөр төвшний яриа хэлэлцээг тогтмолжуулах, улс төр, худалдаа, эдийн засаг, хөрөнгө оруулалтын хамтын ажиллагааг өргөжүүлэхэд бодит алхмууд хийх болон бусад салбарын харилцаа, хамтын ажиллагааг хөгжүүлэх, хэлхээ холбоог гүнзгийрүүлэх асуудлаар санал солилцох гэнэ. Тэрбээр айлчлалын хүрээнд АНУ-ын Төрийн нарийн бичгийн дарга Рекс Тиллерсон, Цагаан Ордны Үндэсний аюулгүй байдлын зөвлөх, дэслэгч генерал Х.МакМастер, АНУ-ын Ерөнхийлөгчийн Шадар туслах, Үндэсний аюулгүй байдлын зөвлөлийн Азийн асуудал харуусан Тэргүүн захирал М.Поттинжир, АНУ-ын Конгресс дахь Ардчиллын түншлэлийн Хөтөлбөрийн дарга, Конгрессын гишүүн П.Роскам болон Конгресс дахь Монголын бүлгийн дарга нар, Мянганы сорилтын корпораци, Энхтайвны корпусын удирдлагуудтай тус тус уулзах юм байна. Мөн Монгол дахь Америкийн Худалдааны Танхимаас зохион байгуулах Монгол-Америкийн бизнесийн дөрөвдүгээр уулзалт, Хөрөнгө оруулагчдын дугуйширээний уулзалтад оролцож, улс орныхоо эдийн засгийн нөхцөл байдлыг сайжруулах, гадаадын хөрөнгө оруулалтын эрх зүйн орчинг тогтвортой байлгах, тэдний итгэлийг сэргээх чиглэлээр авч хэрэгжүүлж буй Засгийн газрын бодлого, арга хэмжээний талаар мэдээлэх ажээ. Уг үйл ажиллагаанд Монголд хөрөнгө оруулалттай, хөрөнгө оруулах сонирхолтой, АНУ-тай бизнесийн хамтын ажиллагаа явуулж буй Монгол, Америкийн 50 гаруй аж ахуйн нэгж компани оролцоно.

МОНГОЛ УЛСЫН ӨРИЙН ХЭМЖЭЭ НЭГ ТЭРБУМ АМ.ДОЛЛАРААР НЭМЭГДЛЭЭ



Гэрэл зургийн Г.АРГУУЖИН

Үргэлжлэл. Түрүүч нь 1 нүүрт

Уг асуудлыг УИХ-аар хэлэлцэж, 49 гишүүн дэмжсэнээр академич Г.Чулуунбаатар БСПУС-ын сайдаар томилогдоо. Энэ үеэр гишүүд Г.Чулуунбаатарт хандаж, үг хэлсэн юм. Тухайлбал, УИХ-ын гишүүн Д.Тэрбишдагва “Энэ их том салбар, дөрвөн салбар багтсан. Монгол Улсыг дэлхийд гаргах ганц зүйл нь түүх, соёл. Тиймээс үүнд анхаарч боловсролын салбарын сайдаар очиж байна. Эрдэмтэн хүн мундаг л даа. Гэхдээ салбар хариуцсан сайд гэдэг албан тушаал хүнээс сайн улстөрч, сайн менежер байхыг шаарддаг. Улаанбаатар хотын захын дүүргүүдийн ачаалал хэд дахин илүү байдаг. Түүнийг дагаад ажилчдынх нь ачаалал ч их. Хэдийгээр зуны амралт эхэлсэн ч ажлаа аваад сургууль, цэцэрлэгт өөрийн биеэр очоосой гэж хүсч байна. Боловсролын салбарт дутагдаж байгаа нэг зүйл нь мэргэжилтэй боловсон хүчин бэлтгэх явдал. Монгол Улсын үйлдвэр аж ахуйг дэмжих тийм л хүмүүс хэрэгтэй байна. Мэргэжлийн боловсон хүчин бэлтгэхэд онцгойлон анхаарч ажиллаарай” гэв. Харин УИХ-ын гишүүн Л.Болд “Нийслэл ачааллаа дийлэхээ больсон. Оюутнуудын амралт эхлэхээр л амьсгалахад чөлөөтэй болдог. Бид Багануур дүүрэгт оюутны комплекс байгуулах гээд мөн ч олон жил боллоо. Их, дээд сургуулийн хотоос гаргана гэхээр сургуулийн удирдлагууд хоорондоо лобби зохионо. Сайхан оюутны комплекс барьчихвал сургуулиуд өөрсдөө гарах гэж хичээдэг болно шүү дээ” гэдгийг онцлов.

дын 1.0 тэрбум ам.долларын зээлийн ерөнхий хэлэлцээрийг 2015 оны арваннэгдүгээр сарын 10-нд байгуулж, мөн оньхоо арваннэгдүгээр сарын 26-нд УИХ-аар соёрхон баталсан билээ. Тэгвэл УИХ-ын нэгдсэн чуулганы баасан гарагийн хуралдаанаар Монгол Улсын Засгийн газар, БНХАУ-ын Экспорт-Импорт банк хоорондын хөнгөлөлттэй зээлийн Ерөнхий хэлэлцээрийн нэмэлт, өөрчлөлтийг соёрхон батлах тухай хуулийн төслийг хэлэлцээ. Уг хуулийн төслийг Хууль зүй, дотоод хэргийн сайд С.Бямбаогт танилцуулав. Энэхүү зээлийг авснаар Монгол Улс дэд бүтэц, эрчим хүч, хөдөө аж ахуйн салбарт голлон зарцуулна. Харин зээлийн хэлэлцээрийн нөхцөл нь жилийн хоёр хувийн хүүтэй, 20 жилийн хугацаатай юм. Манай улс зээл хэрэгжих эхэлсэнээ хойш долоон жилийн дараа зээлийн үндсэн төлбөрөөс чөлөөлөгдөх аж. Зээлийн ерөнхий хэлэлцээрийн хүрээнд дутагдаж буй тус бүрийн 85 хувийг БНХАУ-ын Засгийн газар, 15 хувийг Монгол Улсын Засгийн газар санхүүжүүлэх нөхцлийг өөрчлөх талаар хэлэлцээ хийж, БНХАУ-ын Засгийн газар санхүүжүүлэх хэмжээг 95 хувь болгон нэмэгдүүлэхээр тохиролцжээ. Энэ үеэр гишүүд асуулт асууж, хариулт авлаа. Энэ талаархи мэдээллийг дэлгэрэнгүй хүргэе.

ын Засгийн газраас Лаус, Комбаж, Вьетнам зэрэг улсад анх удаа хөнгөлөлттэй зээл өгч эхэлсэн юм билээ. Тэр улсууд зээл аваад хэд дахин цахилгаан станцаа барилдчихсан. Гэтэл бид 2004 оноос хойш “Эгийн голын цахилгаан станц”-ын талаар яриад л суугаад байдаг. Ингэж л бид хөгжлийг гацаагч нар болчихоод байгаа юм. Одоо дахиад хөнгөлөлттэй зээл ороод ирэхээр болохгүй гэж яриад байна. Болох болохгүйг, хийж чадах, чадахгүйг бид өөрсдөө нөхцөлөө тавьж гэрээ хэлэлцээр хийж шийднэ. Түүнээс өгөх гэж байгаа хүмүүсээ муулаад эхлэхээр юу болох вэ. Нэг зээл авах гэж 13 жил ярилцсан байна. Зээл авах гэхээр хөршгүйгөө улс төр ярих юм. Гэтэл БНХАУ-тай хөрш бусад орнууд зээл аваад хэд хэдэн цахилгаан станц битгий хэл бүтээн байгуулалт хийчихсэн байна.

Н.Энхболд: Хөдөө аж ахуйн холбогдолтой зээлийг хариуцлага хүлээх чадвартай хоршоодоор дамжуулж хэрэгжүүлэх ёстой

“Зээлийг дэмжиж байна. Хөдөө аж ахуйн холбогдолтой зээлүүдэд барих бодлогын талаархи саналыг П.Сэргэлэн сайдад хэллээ. 2004-2005 онд Монголын төрөөс хөдөө аж ахуйг дэмжих талаар гаргасан бүх шийдвэрүүд бэлчээрийн даац, малын ашиг шимийн нэмэгдэлтэй холбогдуулаад үйлдвэрлэлүүдийг зохион байгуулалттайгаар малчдын бүлэг, хоршоодоор дамжуулан хийе гэдэгт тулгуурлан гарч байсан. Бүгдэнд нь хоршоо, малчдын бүлгийн тухай бий. Харамсалтай нь Засгийн газар солигдохоор урьдын бодлого шийдвэр нь өөрчлөгдөж, уламжлалт чанараа алддаг. Хөдөө аж ахуйн холбогдолтой авч буй зээлийг аль болох

...Гэтэл бид 2004 оноос хойш “Эгийн голын цахилгаан станц”-ын талаар яриад л суугаад байдаг. Ингэж л бид хөгжлийг гацаагч нар болчихоод байгаа юм. Одоо дахиад хөнгөлөлттэй зээл ороод ирэхээр болохгүй гэж яриад байна. Болох болохгүйг, хийж чадах, чадахгүйг бид өөрсдөө нөхцөлөө тавьж гэрээ хэлэлцээр хийдэг...

хариуцлага хүлээх чадвартай хоршоо, малчдын бүлэг, хуулийн этгээдээр дамжуулж хэрэгжүүлэх ёстой. Үүнийг би хурлын протоколд тэмдэглүүлж, зээлийн хэрэгжилтэд хяналт тавьж ажиллана.

Нэг тэрбум ам.долларын зээлийг эрчим хүчний салбарт зарцуулна

Манай Улс, БНХАУ-ын Экспорт-Импортын банк хоорон-

Д.Тэрбишдагва: Зээлийг үр дүнтэй ашиглаж чадахгүй байна

“Сангийн яамныхан надад нэг тайлбар өгөхгүй юу. 2004 оноос хойш БНХАУ-ын буцалтгүй тусламжаар зээл авсан санагдах юм. Тэр зээл хэрэгжихгүй явсаар эдүгээг хүрлээ. Тухайлбал, миний сайн мэдэж буйгаар 2004 онд “Эгийн голын цахилгаан станц”-ын талаар ярьж байсан. 13 дахь жилдээ “Эгийн голын цахилгаан станц”-ын асуудал ороод ирлээ. 2004 онд БНХАУ-

МЭДЭЭ, МЭДЭЭЛЭЛ

Г.ЧУЛУУНБААТАР ТАМГАА ХҮЛЭЭН АВЛАА



Гэрэл зургийн Г.АРГУУЖИН

Ерөнхий сайд Ж.Эрдэнэбат БСПУС-ын сайдад Г.Чулуунбаатарыг томилуулах санал оруулсныг УИХ-ын чуулганы үдээс өмнөх нэгдсэн хуралдаанаар хэлэлцэж хуралдаанд оролцсон гишүүдийн 94.2 хувь нь дэмжин түүнийг БСПУС-ын сайдаар томилсон билээ. Тэгвэл ЗГХЭГ-ын дарга Ж.Мөнхбат БСПУС-ын сайд Г.Чулуунбаатарт тамгыг нь хүлээлгэн өглөө. Өнгөрсөн 14 хоногийн хугацаанд Засгийн газрын тухай хуулийн дагуу ЗГХЭГ-ын дарга Ж.Мөнхбат

ажиллахыг хүсье” гэв. Харин БСПУС-ын сайд Г.Чулуунбаатар “Миний ажил асуудлыг оношлохоос эхэлнэ. Өөрөөр хэлбэл, БСПУС-ны дотор болон гадна өрнөж буй үйл явдал, алдаа дутагдал, болохгүй байгаа асуудал юунаас эхтэй вэ гэдгийг оношлохоос эхэлнэ. Гэхдээ зөв оношлох хэрэгтэй. Түүний дараа хариуцлагын асуудал яригдана. Боловсрол, шинжлэх ухааны салбарт олон жил ажилласан хүний хувьд би энэ салбарыг гадарлана. Гэхдээ багш, судлаач байх нь төрийн бодлогыг хэрэгжүүлэхээс ялгаатай ажил юм. Тиймээс баг, хамт оныхоо тусламж, дэмжлэгтэйгээр сайн ажиллана гэдэгт эргэлзэхгүй байна” гэлээ.

Х.Баттулгын штабтай 90991206 шууд утсаар холбогдоорой

Монгол Улсын Ерөнхийлөгчийн сонгуулийн сурталчилгаа эхэлсэнтэй холбогдуулан АН-ын Ерөнхийлөгчийн сонгуулийн штаб шууд утас ажиллуулж эхэллээ. Иргэддээ ойр байх, иргэдийнхээ санал хүсэлтийг хүлээн авч шийдвэрлэх, санал бодлыг нь бодлого шийдвэртээ тусгах зорилгоор АН өмнө нь 1206 шууд утсыг ажиллуулж байсан бол энэ удаа сонгуулийн сурталчилгаатай холбогдуулан 90991206 шууд утас ажиллуулан, иргэдтэйгээ холбогдож байна. Иргэд сонгуулийн сурталчилгаатай холбоотой аливсаа санал, гомдол, зөрчилтийн талаар энэхүү утсаар мэдээлж болох бөгөөд Сонгуулийн тухай хуулийн талаар шаардлагатай зөвлөгөө мэдээллийг авах боломжтой юм.

МОНГОЛЫН МЭДЭЭ

19 дэх жилдээ

Ерөнхий эрхлэгч: **С.ГАНТОГОО**

Орлогч эрхлэгч: **Ч.ЧУЛУУНЦЭЦЭГ 99189158**

Хариуцлагатай нарийн бичгийн дарга: **Э.ЭНХЦЭЦЭГ 90873012**

Ахлах редактор: **Б.ӨНӨРТОГТОХ 88006842**

Шуурхай мэдээлэл, эрэн сурвалжлах алба: **Н.ПУНЦАГБОЛД 88096454**

Улс төр, гадаад мэдээлэл, эдийн засгийн алба: **Б.ӨНӨРТОГТОХ 88006842**

Гэрэл зургийн алба: **Г.АРГУУЖИН 96017873**

Компьютерийн алба: **Б.ГАНЗОРИГ 99998796**

Маркетинг, зар сурталчилгааны алба: **Н.АЛТАНЦЭЦЭГ 99173710**

Захиалга, борлуулалтын алба: **М.ДАВААДУЛАМ 99042510**

Э.САЙНЗАЯА 99197866

Дугаарыг эрхлэсэн **Б.ӨНӨРТОГТОХ**

Улсын бүртгэлийн дугаар: 907300528
Индекс: 100757

Редакцийн хаяг: **Улаанбаатар хот. Сүхбаатар дүүрэг. Чөлөөт хэвлэл сан /Хэвлэлийн хүрээлэн/. 2 давхар. 209, 211 тоот**

“Монголын мэдээ” сонины редакцид эхийг бэлтгэж, Чөлөөт хэвлэл сан-ийн хэвлэх үйлдвэрт хэвлэв.

УЛС ТӨР

ЕРӨНХИЙЛӨГЧИЙН СОНГУУЛЬ - 2017

ЭДИЙН ЗАСГИЙН ТУСГААР ТОГТНОЛЫН ТӨЛӨӨ ЭХ ОРОНЧ Х.БАТТУЛГА ЯЛНА ГЭВ



Гэрэл зургийг Г.АРГУУЖИН

Төгсгөл. Түрүүч нь I нүүрт

Нийслэлийн дүүрэг, хороо бүрээс ирсэн 5000 гаруй хүн “Улаанбаатар” паласын гадаа талбай, концертын их танхимыг дүүргэсэн энэхүү нээлтийн үйл ажиллагаанд УИХ-ын гишүүн, Ардчилсан намындарга С.Эрдэнэ, Мэргэжлийн сүмогийн их аварга Д.Дагвадорж, УИХ-ын гишүүн асан Ж.Батзандан, Ц.Оюунгэрэл, Нийслэлийн Ардчилсан намын дарга Д.Баттулга, яруу найрагч Т.Галсан, П.Бадарч тэргүүтэй улс төр, урлаг соёлын төлөөллүүд оролцов. Энэ үеэр УИХ-ын гишүүн Ж.Батзандан “Энэ

танхимд албан ёсоор 3500 хүн багтдаг гэдэг. Тэгвэл өнөөдөр 4000 хол давсан хүн цугларсан байна. Гадаа талбайд үүнээс ч олон хүн цугларсан байна. Ардчиллын дэмжлэг ямар аугаа их байгааг хараад би бахархаж зогсоно. АН-аас энэ удаагийн Ерөнхийлөгчийн сонгуульд хүчирхэг Монголын төлөө, Монгол ялна, Монголоо ялуулна хэмээн Х.Баттулга нэр дэвшиж байгаа юм. Үнэн, Монгол ялах цаг болсон. Монголоо ялуулах цаг болсон гэдгийг та бүхэнд хэлбэ. Зарим хүмүүс асууж байгаа. Монгол ялна гэж юу гэсэн үг юм бэ гэж. Би тэр хүмүүст нэг л зүйлийг хэлдэг. Монгол ялна гэдэг бол худал хуурмаг биш шударга

ёс ялахыг хэлж байгаа юм гэж. Би тэдэнд хэлдэг. Монгол ялна гэдэг бол Монголд гадныхан биш монголчуудын эрх ашиг нэн тэргүүнд тавигдахыг хэлж байгаа юм гэдэг” гэсэн юм. Нээлтийн үйл ажиллагааны индэрл гарч үг хэлсэн олны дундаас эрхгүй анхаарал татсан хүн бол нэр дэвшигч Х.Баттулгын охин Б.Намуун байв. Тэрбээр “Аав минь эгэл борги амьдралаас өөрийн хүчээр өндийн босч өдий хүрсэн нэгэн. Зах зээлийн ороо бусгаа үед хүн бүр хоолтой хонохын төлөө хөлс хүчээ урсгаж байсан. Гэхдээ Ардчилал хүн бүхэнд адил тэгш боломж олгосон. Аав минь энэ л цаг үед илүү алсыг харсан нүүдэл хийж, боломжоо бүрэн

ашиглаж зоригтой хөдөлсний учир өдгөө үйлдвэрлэгч, ажиллогч, бүтээн байгуулагч, эх оронч хэмээн хүндлэгдэж яваа болов уу. Охин үр нь болохын хувьд аавынхаа алсыг харсан холч ухаан, эх орон элгэн олноо гэсэн хоёргүй сэтгэлийг нь биширч, бахдаж явдаг” хэмэв. АН-аас Ерөнхийлөгчийн сонгуульд нэр дэвшигч Х.Баттулгыг очсон газар бүрт “Үндэсний эрх ашгаа дээдэлж, хэн нэгэн эрх мэдэлтэн, аль нэг бүлэглэлд үйлчилдэггүй шударга, эх оронч Ерөнхийлөгч байх”-ыг иргэд, сонгогчид захиж байлаа.

Ингээд түүнийг дэмжсэн иргэдийн сэтгэгдлийг хүргэе.



П.Бадарч: Есөн эрдэнийн орныхоо Ерөнхийлөгч нь болоорой

/Ардын уран зохиолч/



А.Төмөрсүх: М.Энхболд гэх хүн аймагтаа шинэ сум битгий хэл шинэ жорлон ч барьж өгсөнгүй

/Төв аймгийн Эрдэнэ сумын иргэн/



З.Оюунцэцэг: 27 жил МАН засагласан Багахангай дүүрэг Баттулгын барсан шинэ сумаас ч хөгжил муутай байна

/Багахангай дүүргийн иргэн/



Н.Соёмбо: Монголд хэрэгтэй бодлогуудыг гаргаж чадах хүн учраас би дэмжинэ

/Дундговь аймгийн иргэн/

“Би 3000 гаруй хүн суугаад Ерөнхийлөгчөө дэмжиж байгаа уулзалтад анх удаа оролцож байна. Өнгөрсөн нэг жил би гэртээ хэвтрийн дэглэм сахисан. Гэтэл сайхан Баттулга хүү, Лхагвасүрэн жанжин хоёр намайг дуудаж, “Монгол тулгатны 100” эрхэм нэвтрүүлэгт оролцуулж, байцаасан. Гэхдээ их зөв байцаасан. Буруу байцавал би дургүй байж чадах хүн шүү дээ. Би 50 гаруй жил шүлэг бичсэн хүн. Миний хамгийн алдартай шүлэг бол “Есөн эрдэнийн орон”. Х.Баттулга хүү минь Есөн эрдэнийн орныхоо Ерөнхийлөгч болохгүй бол тэр засаг чинь болохоо байлаа шүү. Зөв ажиллаж, зөв яваарай. Дахин дахин амжилт хүсье.”

Төрж өссөн Эрдэнэ сумын маань нутагт Чингис хааны морьт хөшөө, 13 дугаар зуун аялал жуулчлалын цогцолбор, Түмэн хишигтэн цогцолбор гээд их бүтээн байгуулалт өрнүүлж өгсөн танд талархаж байна. Өнөөдөр тантай өрсөлдөж буй, Төв аймгаас үеийн үед сонгогдсон Миезгомбын Энхболд гэх хүн бидэнд, Төв аймагчуудад шинэ сум битгий хэл шинэ жорлон ч барьж өгсөнгүй ээ. Залуу хүний хувьд танаар бахархаж, хүндэлж явдаг. Монгол эрчүүд, монгол аавууд, монгол залуучууд тань шиг байгаасай гэж хүсдэг. Тэгж чадвал улс орон минь богино хугацаанд өндөр хөгжилтэй, үйлдвэрлэгч орон болж чадна. Хэн нь хийж бүтээдэг, хэн нь хий хоосон ярьдагийг цаг хугацаа харуулсан, цаашдаа ч харуулна байх.

“Би Багахангай дүүрэгт хэдэн жилийн өмнө шилжиж ирсэн. Улаанбаатар хотын нэг дүүрэг болохоор хөгжил сайтай гэж бодсон. Гэтэл Х.Баттулга нэр дэвшигч таны байгуулсан шинэ сумуудаас чинь хөгжил муутай газар байсан. Одоо ч хөгжихгүй л байна. Энд МАН-ынхан ажилтай байдаг. АН-ынханд ажил олддоггүй. Ардчилсан хувьсгал ялаад 27 жил болж байхад энэ дүүрэгт АН нэг ч удаа засаг барьж байгаагүй. Тийм учраас АН-ын гишүүд маань сэтгэл дундуур, гундуу байдаг. Тийм ч учраас Ерөнхийлөгчийн сонгуульд нэр дэвшиж байгаа Х.Баттулга нэр дэвшигч АН-ын ялалтын буухиаг эхлүүлж өгөх байх гэж итгэж байна.”

“Монгол ялна” гэсэн уриатай болохоор хүмүүс ёжиж байгаа харгасан. Гэтэл өнөөдрийг хүртэл бид өнөөдрийг хүртэл юун дээр ялав. Эдийн засаг, аж үйлдвэрийн салбарт ялагдсан. Энэ салбарт бодлого урагшаа явахгүй байгаа. Х.Баттулга нэр дэвшигч арьс, шир боловсруулах үйлдвэрийн төслийг сайд байхдаа санаачилж, ажил хэрэг болгох гэж зүтгэж байсан. Монгол Улсад том арьс, шир боловсруулах үйлдвэр ашиглалтад орох нь дээ гэж баярлаж байлаа. Гэвч энэ төслийг эрх мэдэлтнүүд хүчээр зогсоосон. Өнөөдөр арьс, шир ямар үнэтэй байгаа билээ. Хэдхэн мянган төгрөгний л үнэтэй байна. Гэх мэт олон зүйл дээр бид ялагдсан. Энэ хэцүү цаг үед Монголд хэрэгтэй тэр бодлогуудыг энэ хүн л гаргаж чадна гэдэгт итгэлтэй байна. Тийм болохоор бид дэмжинэ ээ.

ДЭЛХИЙ

Умард Солонгос тив алгасах баллистик пуужин харвана гэв

Тив алгасах баллистик пуужин харвах өдөр ойртож байна гэж Умард Солонгос мэдэгдсэн байна. Умард Солонгосын Ажилчны намын “Rodong Shinmun” сонин бямба гарагийн дугаартаа энэ тухай мэдээлсэн юм. Стратегийн зэвсгийн Пхеньяны сүүлийн туршилтаас үзэхэд тив алгасах баллистик пуужин харвах өдөр ойртсон болох нь харгагдаж байна. “Хвасонг-12” гэдэг дунд зайн тусгалтай баллистик пуужинг тавдугаар сарын 14-нд туршсан бөгөөд уг пуужингийн тусгал далайн түвшингээс дээш 2000 км өндөрт хүрсэн байна. Умард Солонгосын эрдэмтэд тив алгасах баллистик пуужинг тээвэрлэх хүчирхэг хөдөлгүүр бүтээх асуудлыг шийдэж чадсан гэж тус сонинд мэдээлжээ. Мөн дэлхийн агаар мандалд дахин нэвтэрч ороход шаардлагатай дулаан эсэргүүцэх технологийг бүтээж чадсан гэж мэдээлсэн юм. Умард Солонгосын удирдагч Ким Жон Ун шинэ жилээр хэлсэн үгэндээ тив алгасах баллистик пуужин хөөргөх бэлтгэл ажил сүүлийн шатандаа явж байна гэж хэлжээ. Түүнээс хойш Умард Солонгосын зүгээс өөрийн технологийн дэвшилийг харуулахын тулд 12 удаа баллистик пуужин харвасан байна.



Тереза Мэй “САХИЛ ХҮРТЭХ ГЭЭД ШАЛ ДОРДОВ”

Б.ДАВАА

Их Британид одоогоос нэг жилийн өмнө 43 жилийн түүхэнд анх удаа Европын холбооноос гарах эсэх талаар бүх нийтийн санал асуулга болж, иргэд нь гарах сонголтыг хийсэн билээ. Үүнтэй холбоотойгоор тус улсын Ерөнхий сайд Дэвид Камерон огторч, төмөр хатагтай гэгддэг Тереза Мэй дараагийн Ерөнхий сайдаар нэрлэгдсэн юм. Тэр ч үүднээс түүний өмнө ЕХ-ны бүрэлдэхүүнээс гарах томоохон хэлэлцээрийг гардан хийх үүрэг хариуцлага ногдож байлаа.

Улмаар энэ оны гуравдугаар сараас БРИКСИТ-ийг албан ёсоор эхлүүлж буйгаа зарласан билээ. Харин дараа нь буюу энэ сарын 8-нд ээлжит бус парламентын сонгууль явуулахаа мэдэгдэж байв. Уг нь тус сонгуулийг 2020 онд хийхээр төлөвлөж байсан. Хугацаанаас өмнө зарлах болсон шалтгаан нь Европын холбооноос гарах хэлэлцээртэй


салшгүй холбоотой бөгөөд Тереза Мэй өөрийн хувилбарыг парламент дахь суудлынхаа тоог нэмэхээр сонгуулийг хугацаанаас нь өмнө зарласан байдаг. Тухайн үед мэдэгдэлдээ “Европын холбооноос гарах Засгийн газрын төлөвлөгөө бол үндэсний ашиг сонирхол. Гэтэл улс төрийн бусад нам энэ төлөвлөгөөг эсэргүүцэж байна. Бид хагаралдаж хуваагдахын оронд нэгдэх хэрэгтэй байна. Парламентын сонгуулийн хугацааг наашлуулах нь улс орны ирээдүйг тогтвортой байлгах, BREXIT-тэй холбоотой эдийн засгийн эрсдэлээс зайлсхийх зорилготой. Би энэхүү шийдвэрийн цаад шалтгааныг тайлбарлахыг хүсч байна. Өнгөрсөн зун Их Британийн ард түмэн Европын холбоог орхих шийдвэр гаргасны дараа манай улсын хувьд хамгийн чухал зүйл нь тодорхой, тогтвортой байдал болон хүчирхэг удирдлага болсон юм. Хэдийгээр манай улсад санхүүгийн болон

эдийн засгийн аюул нүүрлэнэ гэсэн таамаглал байгаа ч хэрэглэгчдийн итгэл өндөр байгаа төдийгүй ажил эрхлэлт түүхэнд дээд хэмжээнд байна. Мөн эдийн засгийн өсөлт таамгийн давсан үзүүлэлттэй байгаа. Их Британи Европын холбоог орхих болно. Бидэнд буцаа зам байхгүй” хэмээж байв. Гэвч сахил хүртэх гээд шал дордов гэгчээр үр дүн нь түүний санаанаар гарсангүй. Их Британид энэ сарын 8-нд болсон парламентын сонгуулиар доод танхимын 650 суудлын 318-ыг “Төмөр хатагтай” гэгддэг Тереза Мэйгийн тэргүүлэх эрх баригч Консерватив нам авсан бол хамгийн том сөрөг хүчний нам болох Хөдөлмөрийн нам 262 суудал авчээ. Харин Шотландын ардын нам 35, Либерал ардчилсан нам 12 суудал гэх зэргээр үлдсэн суудлыг жижиг намын нэр дэвшигчид авсан байна.

650 суудалтай Британийн парламентад доод тал нь 326 суудал авсан нь олонх болдог. Тиймээс Тереза Мэйгийн нам энэ удаа олонхи болж чадахгүй болжээ. Нөгөөтэйгүүр, сонгууль түүний намд бус, сөрөг хүчинд 30 суудал нэмчихлээ. Одоо долоо хоног хүрэхтэй үгүйтэй хугацааны дараа Британи-Европын холбооны хэлэлцээр албан ёсоор эхлэх юм. Тэгвэл сонгуулийн үр дүнтэй холбоотойгоор эвдрээг нөхцөл байдал үүссэн өнөө үед эрх баригч намын дарга бууж өгөхгүй бололтой. Түүний ажлын албанаас өчигдөр мэдэгдэл гаргаж, эрх баригч Консерватив нам олонх болж чадаагүй учир Умард Ирландын Ардчилсан холбоо намтай эвслийн Засгийн газар байгуулахаа зарлалаа. Саяны сонгуульд Ардчилсан холбоо нам парламентад 10 суудал авсан юм. Улмаар тус намтай эвссэнээр суудлынх нь тоо 328 болох билээ. Ямартай ч, Тереза Мэй тус намынхантай энэ сарын 10-нд уулзалт хийж, тодорхой нөхцөлтэйгөөр тохиролцоонд хүрчээ. Түүнчлэн, Ерөнхий сайд Германы канцлер Ангела Меркельтэй утсаар ярьж, “Их

Москвад дөрвөн хүний амь хөнөөсөн хэрэг гарчээ

ОХУ-ын нийслэл Москва хотын зах орчимд өнгөрөгч бямба гарагт гэрээсээ гал нээж, дөрвөн хүний амь хөнөөсөн хэрэг гарчээ. Улмаар цагдаа нар хэргийн газарт ирж, томоохон хэмжээний буудалцаан болсон байна. Сэжигтний талаарх мэдээлэл одоогоор тодорхойгүй байна. Гэхдээ хэргийг мөрдөн шалгаж буй Холбооны мөрдөх товчооноос мэдээлснээр Москва хотын зүүн өмнөд хэсэгт байрлах Кратово гэх тосгонд 50 гаруй насны эрэгтэй өөрийн гэрээсээ жирийн иргэд рүү гал нээжээ. Үүний улмаас нэг хүн эмнэлэгт хүргэгдсэнээс гадна мөн гурван хүний цогцос олдсон байна. Түүнчлэн, аюулгүйн албаны нэг ажилтан шархадсан аж.



Британийн онгоц Германд ослын буулт хийжээ

Словениас Их Британийн нийслэл Лондонд чиглэсэн Британийн иргэний агаарын тээврийн “Easy Jet” зорчигч тээврийн онгоцонд зорчж явсан нэгэн этгээд “Сэжиг бүхий зүйл ярьсан” гэх мэдээлэл нислэгийн удирдлагад иржээ. Улмаар онгоц чиглэлээ өөрчлөн Германы Кёльн хотын нисэх буудалд ослын буулт хийсэн байна. Мөн сэжигтэй яриа өрнүүлсэн гэх гурван эрэгтэй зорчигчийг цагдаагийн байгууллага саатуулжээ. Германы цагдаагийн газрын төлөөлөгч “Франс пресс” агентлагт өгсөн ярилцлагадаа “Словенийн нийслэл Люблянаас Лондонд чиглэлд нислэг үйлдэж байсан онгоцонд бүлэг залуус террорист халдлагатай холбоотой зүйл ярьж байна гэсэн

мэдээлэл хэд хэдэг зорчигчоос нисэх багийнханд ирсэн юм билээ. Үүнтэй холбоотойгоор нисгэгч чиглэлээ өөрчилж, ослын буулт хийсэн. Одоогоор тэдний ярианы агуулгын талаар олон нийтэд мэдээлэх боломжгүй” гэж ярьсан байна. Онгоц энэ сарын 10-ны өдрийн оройн 18:00 цагт Кёльнд газарджээ. Цагдаагийнхан тухайн үед онгоцонд зорчж явсан 151 зорчигчийг буулгасныхаа дараа гурван сэжигтэн эрэгтэйг баривчилсан байна. Одоогоор тэдгээр сэжигтнүүд хэн болох, үнэхээр террорист халдлага үйлдэхээр зэхэж байсан эсэх нь тодорхойгүй байна.

М.Темер албан тушаалдаа үлдлээ

Бразилийн сонгуулийн шүүхээс Ерөнхийлөгч Мишель Темерийг 2014 оны сонгуулийн үеэр хууль бус санхүүжилт хийсэн хэргээр буруутгаж албан тушаалаас нь огцруулах тухай хэргийг хэрэгсэхгүй болгожээ. М.Темер өмнөх Ерөнхийлөгч Дильма Руссеффтэй хамт ерөнхийлөгчийн сонгуульд өрсөлдөж өнгөрсөн жил түүнийг ерөнхийлөгчийн суудлаасаа огцроход орлож үлдсэн билээ. Сөрөг хүчний хууль сахиулагчид сонгуулийн компанит ажилд хууль бус мөнгө ашигласан учир сонгуулийн үр дүнг хүчингүй болгохыг шаардсан



Мөн Хэдийгээр М.Темерийн талд шийдвэр гарсан боловч, улс төрийн үймээн самуун үргэлжлэх төлөвтэй байна. Тодруулбал, шүүх прокурорын байгууллагаас түүний авлигын хэргийг шалгаж эхэлжээ. Мөн М.Темерийг албан тушаалаасаа огцрохыг олон нийт шаардсаар байгаа юм.

НЭЭЛТТЭЙ ДУУДЛАГЫН ХУДАЛДААНЫ ЗАР

Төрийн өмчийн бодлого, зохицуулалтын газрын 2017 оны 220 дугаар тогтоолоор 7 ширхэг авто машиныг нээлттэй дуудлагын худалдаагаар худалдахаар шийдвэрлэв.

1. Дуудлагаар худалдах хөрөнгийн танилцуулга:

№	нэрс	Гарал үүсэл	Үйлдвэрлэсэн огноо	Ашигласан хугацаа	Марк	Техникийн үзүүлэлт	Улсын бүртгэлийн дугаар	Төлөв байдал	Худалдах доод үнэ	Дуудлагын худалдаанд тавих дэнчингийн хэмжээ
1	Зил 130	Орос	1989	28	ЗИЛ-130	УРАЛ 10	27-45 УБХ	Бүрэн ажиллагаатай	3000000	750000
2	Ландкрузер -80	Япон	1991	6	TOYOTA	4160 cc	13-45 СЭҮ	Хурдны хайрцаг эвдэрсэн	9000000	2250000
3	Асио автобус	Солонгос	2000	6	KIA	3000cc	66-89 СЭА	Бүрэн ажиллагаатай	900000	225000
4	Фургон	Орос	2009	8	УАЗ	2890cc	23-87 СЭА	Бүрэн ажиллагаатай	7000000	1750000
5	Фургон	Орос	2010	7	УАЗ	2890cc	40-41 СЭА	Бүрэн ажиллагаатай	5100000	1275000
6	2 Голт Чиргүүл	Орос	1975	19	зил-130	55-77 АЧ	55-77 АЧ	Бүрэн ажиллагаатай	50000	12500
7	Мотоцикл	Хятад	2010	7		150cc	04-14 СЭЗ	Засвартай	20000	5000

Дуудлага худалдааны ерөнхий мэдээлэл

Дуудлагын худалдаа болох хугацаа	2017 оны 06 дугаар сарын 26-ны өдрийн 0930 цагт
Дуудлагын худалдаа болох газар	Хорих 433-р ангийн хурлын зааланд
Худалдах , худалдан авах гэрээний ерөнхий нөхцөл	Худалдан авагч нь дуудлага худалдаагаар худалдан авсан эд хөрөнгийн үнийг 14 хоногийн дотор төлнө.
Дэнчинг байршуулна	тушаана

Дуудлагын худалдаанд хүсэлт ирүүлэх

Дуудлагын худалдаанд оролцох хүсэлтийг 2017 оны 06 дугаар сарын 26-ны өдрийн 09 цаг 00 минут хүртлэх хугацаанд хорих 433-р ангийн Эдийн засагч Ахмад Г.Мөнх-ундрахын өрөөнд хүлээн авна.

Хугацаа хоцорсон хүсэлтийг хүлээн авах боломжгүйг анхаарна уу

Дуудлагын худалдаанд оролцох хүсэлт нь зөв, цэвэр бөглөсөн хугацаандаа худалдаанд оролцох хүсэлтийн маягт, дэнчин төлснийг нотлох баримт, иргэний үнэмлэх / хуулийн этгээдийн хувьд улсын бүртгэлийн гэрчилгээ/-ний хуулбар зэрэг баримтаас бүрдэнэ.

Худалдах хөрөнгийн талаар мэдээлэл авах

Дуудлагаар худалдах хөрөнгийг өмч эзэмшигч Хорих 433-р анги дээр очиж үзэж болох бөгөөд дуудлагын хөрөнгийн талаар мэдээллийг 99334325, 99164878 дугаарын утсаар авна уу.

NO STRESS

ОНЦЛОХ ҮЙЛ ЯВДАЛ

Шөнийн гэрэлт гудамжтай болмоо



Нью Йорк, Токио, Сеул, Бээжин, Банкок, Куала-Лампур зэрэг хөгжилтэй хотуудын худалдаа үйлчилгээний шөнийн гудамж, захууд нь жуулчид амарч зугаалах, чөлөөт цагаа өнгөрүүлэх, худалдаа үйлчилгээ авах бүхий л нөхцөл боломжийг бүрдүүлсэн байдаг. Тэгвэл нийслэлийн Засаг дарга бөгөөд Улаанбаатар хотын захирагчийн 2017-2020 онд хэрэгжүүлэх үйл ажиллагааны хөтөлбөрт тусгасан Улаанбаатар хотыг Зүүн хойд Азийн аялал жуулчлал, бизнесийн төв болгох зорилтын хүрээнд Сөүлийн гудамжийг автомашингүй шөнийн гэрэлт гудамж болгон тохижууллаа.

Циркийн уулзвараас “Наран плаза”-гийн уулзвар хүртэлх нийслэлд анхных гэж хэлж болохуйц шөнийн гудамжны нээлт энэ сарын 8-нд болсон юм. Хуучнаар Сөүлийн гудамжны сул шороон хөрс бүхий талбайг хатуу хучилттай болгож явган замыг нэмэгдүүлэн олон нийтэд зориулсан үзвэрийн дэлгэц, 400 хүний амралтын суудал бий болгожээ. Мөн ногоон байгууламжийн нөхөн сэргээлт, сэлгээлт, авто зам болон явган замын гэрэлтүүлэг, гэрлэн чимэглэл зэрэг орчны тохижилтын ажлыг хийсэн байна. Бүтээн байгуулалтын ажил цаашид ч үргэлжлэх юм. Шөнийн гудамж дээгүүрээ гэрлэн таазтай байхаас гадна гудамжны хоёр тал тэр чигтээ гэрлэн чимэглэлтэй байх бөгөөд гэрэлтүүлгийн эффектуудийг шинэчилж, орчин үеийн дизайныг бий болгожээ.

Гэрэл зургийг Г.АГУУЖИЖИ

Улаанбаатарт:

Маргааш
Өдөр 31
Шөнө 13

Нөгөөдөр
Өдөр 26
Шөнө 14

Өдрийн зурхай

ХАВРЫН АДАГ ХӨХӨГЧИН МОГОЙ САРЫН НЭГ ЦАГААН МЭНГЭТЭЙ ЦАГААН МОРЬ ӨДӨР

Үс засуулбал: Эд малын гарлагатай
Наран ургах/ шигэх: 05:02-20:48



Аргын тооллын 6 сарын 12, Сумъяа гараг. Билгийн тооллын 18, Элдэв тэнгэртэн одтой, цагаан морь өдөр. Өдрийн наран 5 цаг 02 минутад мандан, 20 цаг 48 минутад жаргана. Тухайн өдөр бар, нохой жилтнээ аливаа үйлийг хийхэд эерэг сайн. Эл өдөр эе, эвээ ололох, халтын хөдөлмөр эхлэх, гэрээ хэлцэл байгуулах, найр хурил хийх, бэр гуйх, инж өгөх, авах, үнэт эрдэнийн зүйл авах, угаал үйлдэх, тангагаар тавих, гэр, байшингийн суурь тавихад сайн. Гэр бүрэх, хэрүүл тэтгэл хийхэд луу. Өдрийн сайн цаг нь хулгана, үхэр, туулай, морь, бич, тахиа болой. Хол газар яваар одогсод хойш мөрөө гаравал зохистой. Үс шинээр үргээлгэх буюу засуулахад тохиролжгүй.



Бидэнд тохиолдсон

ХҮНДХЭН ХӨГТЭИ ЯВДЛУУД

Unurzaya Altansukh

Манай хүү гурван настай. Талхан дээр түрхдэг бүхий л зүйлсийг масло гэдэг гэж боддог нөхөр байгаа юм. Тэгээд дээр хадам ээж малын шар тос өгсөн түүнийг хөдөөний масло гээд варенийг улаан масло гэдэг. Өчигдөр дэлгүүрт хамт орсон чинь “Ээж ээж миний баас шиг өнгөтэй масло аваарай” гэдэг байгаа. Юу яриад байгаа юм гэсэн чинь гүйж очоод элэгний нухаш аваад ирэх жишээтэй. Цаашид ямар төрлийн масло идэхийг би таашгүй нь ээ. Аа тийм өчигдрөөс нэмж асуусан хүмүүсийн харнуулт шоколадны кремийг хар масло гэж байна лээ хаха.

УЛАМЖЛАЛТ АНАГААХ УХААНЫ "ГАНЗҮҮ" ЭМНЭЛЭГ



Манай эмнэлэг дотор 5 цуа, 6 сав эрхтэний өвчлөлийг уламжлалт анагаах ухааны таван заслын аргаар эмчилж, 80-аас дээш хувьтай үр дүн үзүүлдэг.

Бид танад:

- Ган болон мөнгөн зүү, шахнагаан зүү
- Хануур, сам соруул
- Шарлага
- Бумба төөнө засал
- Халуун чулуу, давсан халуун жин засал
- Эмчилгээний цэгэн барил
- Архи, сүү, сүүлэн тостой бүтэн биеийн барил зэрэг уламжлалт анагаах ухааны эмчилгээ үйлчилгээ, мэдрэл, харшил, хүүхэд, эмэгтэйчүүдийн оношлогоо эмчилгээг цогцоор нь хийж үйлчилнэ.

ЭРҮҮЛ МЭНДИЙН ЧАНАРТАЙ ТУСЛАМЖ ҮЙЛЧИЛГЭЭГ БИД ҮЗҮҮЛНЭ

Холбогдох утас: 9999-5584
9900-2332



Салбар 1 хаяг: Найрсаг Улаанбаатар их дэлгүүрийн баруун талд "Ганзүү" эмнэлэг /Өдрийн эмчилгээ/



Салбар 2 хаяг: III хороолол, 28 дугаар сургуулийн баруун талд "Ганзүү" эмнэлэг /Хэвтүүлэн эмчилнэ/